

Per triduum saepius conquassando macera, tum filtra.

Sit limpidus, coloris subflavi, acidi nonnisi valde exigua copiam continens.

### **Lycopodium.**

Bärlappsamen. Streupulver.

*Semen vel Sporae vel Antheridia Lycopodii.*

**Lycopodium clavatum L. Lycopodiaceae De Candolle.**  
XXIV. 2. L.

Pulvis subtilissimus, mobilissimus, aquam respuens, flammae inspersus celeriter deflagrans, pallide flavus.

Ne commutetur cum polline aureo pinorum aliarumque arborum, quod facilius in glomerulos coit.

### **Macis.**

Muskatblüthe.

*Arillus Myristicae.*

**Myristica fragrans Houttuyn. Myristiceae R. Brown.**  
XXII. 13. L.

Arillus seminis lacerus, fragilis, pinguius nitens, coloris aurantiaci, odoris peculiaris aromatici, manducatus urens.

**Magnesia hydrico-carbonica.**  
Kohlensaure Bittererde.

*Magnesia carbonica.*

*Carbonas magneticus cum Aqua et Hydrate magnesico.*

*Magnesia alba.*

*Basisch kohlensaure Bittererde. Magnesia.*

Sit levissima, salis natri aut alius cujuslibet magnesii conjunctionis non nisi paucillum continens, a salibus kalinis vero aliisve salibus plane libera.

Ad usum pharmaceuticum per cribrum subtile trahitur.

**Magnesia sulphurica.**  
Bittersalz.

*Magnesia sulphurica bis depurata.*

*Sal amarum depuratum.*

*Sulphas magneticus cum Aqua depuratus.*

Crystalluli prismatica, splendentes, coloris expertes, in aquae frigidae partibus duabus, in aquae fervidae parte una solubiles.

A salibus alienis et metallis libera sit.

**Magnesia usta.**

*Magnesia. Oxydum magneticum.*

Magnesia hydrico-carbonica in crucibulo tecto aut in vase e ferro fuso parato calefiat, donec particula ejus cum aqua mixta acido sulphurico diluto addito non amplius effervescat.

Sit pulvis levis, albissimus, ab acido carbonico liber.

In vase vitreo bene clauso servetur.

## Manna.

### Manna.

**Fraxinus Ornus L. Oleinae Link. II. 1. L.**

Manna purissima frusta efficit tres ad octo pollices longa, novem ad duodeviginti lineas lata, planiuscula, canaliculata vel trigona, sicca, levia, friabilia, paullum tantum glutinosa, fractura fibrata, coloris albidis vel subflavi, saporis dulcis, sine acredine; haec dispensetur, si manna electa vel canellata praescripta fuerit.

Manna communis seu Geracina in massis occurrit conglutinatis e glebis vel granis albidis vel subfuscis, subviscidis, saporis dulcis cum acredine quadam subnauseosa.

Rejiciatur Manna crassa, pinguis seu de Puglia, quae massam grumoso-mollem, jam subfluidam, subfuscam, heterogeneis valde inquinatam, saepe etiam fermentescentem efficit.

## Mel.

### Honig.

**Apis mellifica L. Insecta, Hymenoptera, Melitidea.**

Cave ne sit acidum, neve farina adulteratum.

Rejiciatur, quod ex America ad nos adfertur.

**Mel depuratum.***Mel despumatum.*

- R.** Mellis optimi partes quinquaginta, . . . . . 50.  
 Aquae communis partes centum, . . . . . 100.  
 Carbonum vegetabilium recens candefac-  
 torum, grosso modo pulveratorum  
 et a pulvere subtili liberatorum  
 partem unam. . . . . 1.

Mel cum aqua in vase stanneo mixtum, calore fere 100° C. per horam ebullitionem evitando calefactum in vase fictili per noctem loco frigido sepone. Tum carbonibus additis liquor per manicam laneam filtratus in balneo vaporis ad syrupi spissitudinem evaporet, demum coletur.

Sit limpidum, cum aqua mixtum limpidum maneat; coloris sit e flavo fusci, nec odoris nec saporis empyreumatici acidive.

Loco frigido servetur.

**Mel rosatum.**

- R.** Florum Rosarum incarnatarum partem unam, 1.  
 Aquae communis fervidae partes sex, . . . . . 6.  
 Mellis depurati partes duodecim. . . . . 12.

Aquam floribus rosarum infunde, per noctem sepone, tum exprime et cola. Liquor inde obtentus cum melle mixtus in balneo vaporis ad syrupi spissitudinem evaporet, deinde coletur.

Sit limpidum et fuscum.

Loco frigido servetur.

**Mixtura oleoso-balsamica.***Loco Balsami Vitae Hoffmanni.*

<b>R.</b> Olei Lavandulae, . . . . .	1.
Olei Caryophyllorum, . . . . .	1.
Olei Cinnamomi Cassiae, . . . . .	1.
Olei Thymi, . . . . .	1.
Olei Corticis Citri, . . . . .	1.
Olei Macidis, . . . . .	1.
Olei Florum Aurantii, singulorum partem unam, . . . . .	1.
Balsami Peruviani partes tres, . . . . .	3.
Spiritus Vini rectificatissimi partes du- centas quadraginta. . . . .	240.

Mixta per aliquot dies loco frigido sepone, subinde  
conquassa, tum filtra.

Sit limpida, e subfusco flava.

In vase bene clauso serva.

**Mixtura sulphurica acida.***Mixtura sulphurico-acida.**Loco Elixirii acidi Halleri.*

<b>R.</b> Spiritus Vini rectificatissimi partes tres, . . . . .	3.
Acidi sulphurici puri partem unam. . . . .	1.
Acidum sulphuricum agitando sensim in spiritum vini instilla.	
Sit limpida, coloris expers, ponderis specifici = 0,998 usque ad 1,002.	
In vase epistomio vitreo munito servetur.	

**Morphium hydrochloratum.**

Chlorwasserstoff-Morphium.

*Morphium hydrochloricum seu muriaticum.**Salzsaures Morphem.*

Crystalli albae, splendentes, tenues, prismaticae, aciformes, in spiritu vini, in natri hydrici soluti copia superante atque in aquae partibus viginti plane solubiles, saporis valde amari, ignitae sine residuo conflagrantes.

**Caute servetur.**

**Moschus.**

Moschus.

*Moschus Chinensis vel Tibetanus vel Tonquinensis.**Chinesischer oder Tübetanischer oder Tonkinesischer**Moschus.***Moschus moschiferus L. Mammalia, Bisulea, Cervina.**

Massa primum unctuosa, deinde grumosa, granula variae magnitudinis referens, obscure fusca, pinguius nitens, trita in stratum tenue extenuanda, saporis subamari, odoris peculiaris, diu persistentis, fragrantissimi, secreta et inclusa in folliculo proprio, intus membrana tenui, fusca vestito, e quo exemta et a membranis et pilis purgata adhibeatur. Folliculus fere semiglobosus, pollicaris vel sesquipollicaris, hinc planiusculus, glaber,

illine convexus pilisque obsitus e luteo subfuscis, apice obscurioribus, rigidis, in ambitu adpressis, circum duo foramina subcentralia in verticem erectis.

Cave a folliculis adulteratis moscho exemto corporibus heterogeneis faretis.

Moschum folliculis exemptum venalem, ex vesicis dictum, adhibere non licet.

Omnino rejiciatur Moschus Russicus vel Kabardinicus, in folliculo massam continens clariorem, odoris multo debilioris et urinae similis.

### Mucilago Gummi Arabici.

- R.* Gummi Arabici partem unam, . . . . . 1.  
 Aquae destillatae partes tres. . . . . 3.  
 Gummi in aqua solutum cola.

### Mucilago Salep.

- R.* Tuberum Salep pulveratorum partem unam, 1.  
 Aquae communis frigidae partes sedecim, . . 16.  
 Aquae communis fervidae partes octoginta. . 80.

Tuberibus Salep in lagenam immissis infundatur aqua frigida, deinde conquassando bene misceantur. Tum affundatur aqua fervida, quo facto mixta in vase conquassentur, donec refrigerata sint.

Ad dispensationem recens paretur.